



Minggu, 29 September 2024

Ogen: 1 Samuel 25: 36-39



"Pinakit Jantung"



**T**uri-turin kerna Nabal bas ogenta sendah nuduhkan man banta kerna ujung kegeluhen sekalak si degil, meganjang ukur ras mekeng. Kematenna si rempet megati jadi renungen gelah kalak ngergaken kegeluhen kalak si deban, amin bage gia mbue denga banci si pelajari arah si enda.

Sakit jantung Nabal, banci ikataken lebih asa pinakit fisik biasa. Serangen jantung e banci iidah selaku penampaken kecibal tendina. I ja pusuhna sedekah enda maba baban si mberat si erbahanca ia mate secara pertendin, seh maka la diatena kalak sideban, meganjang ngerana ras meganjang ukur dengen kejam. Bas dampar sideban, e jadi perbahan gaya hidupna si poya-poya ras perpanna pe la sehat, rusuren erpesta-pesta, minem-minem seh mabuk, mangani daging si la lit sukatenna, meganjang rukur si nama ngaruh ku bas kesehaten psikna.

Kai dage si banci si pelajari arah kegeluhen Nabal e?

- Penting kal mediate ras melumbar man kalak si deban. Nabal seh degilna dengen kasar, erbanca melala imbangna. Sebaliknya melumbar, mekacar, metemue ras mehamat man kalak si deban maba dame ras kemalemen ate.
- Metenget nandangi pengerananta  
Perkatan Nabal si erbanca nggo turah rawa raja Daud ras anak buahna. Tuhu, penting kal si jaga pengerananta. Ula ate-ateta saja ngerana man kalak si deban, langa si eteh uga gegeh teman ngaloken ranan e. Pengerana si mejar-jar banci ncedai ukur kalak ras ncedai perkade-kadenta.
- Njagai pusuh seri pentingna ras njagai kula.  
Kidekah geluhna Nabal ngukuri dirina ngenca, ndeharana si Abigail pe rusur ikecewakenna, em perban la jagana pusuhna arah pengajuk doni, kerangapen man erta ras kuasa, tapi la lit hubungenna mehuli ras Dibata. Biak e mahan bana kecibal geluh pe nulak si mehuli termasuk si mehuli man kula. Kemalemen ate situhu-tuhu labo idatken arah keriahen doni, tapi arah persadan si mehuli ras Dibata.